

百一山房詩集

百一山房詩集卷七目錄

奉

命典試四川出都日作

白溝驛雨

太原懷古

綿上

潼關

華陰道上

郃城驛寄都下友人

陳倉

入棧

鎖院雜詩

糊名

給燭

分房

編號

典試事竣入都

從軍

漳河

衛輝道上

隆中

漢口泝流而上江行甚駛

荊州

澧州道中

桃源

過沅陵諸灘石勢險惡計明日可抵瀘溪矣

黔陽

永昌晤趙璞庵同年有詩見投賦答卽次原韻

黃菓樹歌同璞庵作

騰越簡王述庵

題升庵先生畫像

青柑同劉竹軒給諫次璞庵韻

江行見水底文石陸離可愛掇拾數十枚亦行帳  
中怪石供也

彗星

口號示同人

答同年趙雲松時同在大經畧傅公幕下

鐵壁關

猛卯

虎踞關

由蓋達抵平夏道中

渡夏鳩江

隨大經畧行營由大金江赴新街過蠻岡數里日  
暮行廚失道久不至饑甚口占示僕輩

新街

宿衛行

行帳候璞庵病

璞庵次前韻見酬並索再和

璞庵先至騰越復次前韻寄示索和

阿果毅公輓詩

南征述事呈大經畧傅公

阿南謠

星迴謠

阿盭曲

滇南詠史

冬暖

白沙驛

相見坡

辰溪

湖口夜泊

申包胥廟

營奠

傅文忠公輓詩

秋夕

七夕

寄酬蒼林明經

百一山房詩集卷七目錄



百一山房詩集卷七

仁和 孫士毅

奉

命典試四川出都日作

五年珥管揔銜

恩鳳閣文章亦漫論  
此去白袍如立鵠  
自來青峽有啼猿  
使車入棧星辰動  
花樣當階芍藥翻  
慙媿掄才行萬里  
摩挲老眼未容昏

清時劍閣不須銘  
迢遞星輶入錦城  
士氣但能知孟博  
用坡生涯何用問  
君平眼空宛馬騰  
槽色心折吳蠶上  
公事

百一十言集一  
簇聲身是孤寒兼晚達戰場從古客心驚

白溝驛雨

一夜翻車雨無程尚據鞍荒碑苔刊字古淀葉吹瀾白  
草漸蕭瑟黃雲自鬱盤鷓絃聞趙女悽絕和哀湍

太原懷古

參井寒芒照使車并州總管竟何如千秋故鬼臺駘廟  
三版高城智伯渠汾水風烟催筆筭晉祠碑碣刊圖書  
自來襟帶誇雄勝九曲黃流似曳裾

綿上

春秋多姦雄已啟戰國轍論功或未平謝過乃荆說先

聖定重耳一字貶以譎譎酒則姜氏譎鬼先狐突譎實  
智之變善用亦爲哲一見寺人披譎以安反側一封綿  
上田譎以伸氣節

潼關

秦城亘萬里雄峙西陲間落日下平楚照見潼谷關此  
地古三輔設險何足患其西領馮翊其南控百蠻蒼然  
見秋色遠自西華還蕭條望原野邊戍紅霜管詹嘉昔  
守此甲冑桃林探時平無堠火關吏多疎頑龍門日輸  
灌關下轟潺湲回首論戎事明月如弓彎

華陰道上

玉女明星尚碧空漢家天闕集靈宮  
神仙不度函關北日月多流渭水東  
六月蓮花開岳頂三峯雲氣滿秦中  
鎬池白壁遺書後使者何勞海外通

芙蓉仙掌壁高空三輔黃圖帶礪雄  
瓊岳西來隋大業金城北折漢扶風  
清秋鼎扇浮雲白落日肥蠶似火紅  
自是古長安地近河山回首赴臨潼

郟城驛寄都下友人

使節遲秦隴心依侍從班行人斜谷路  
秋色武功山棧路將通蜀禽言漸帶蠻  
相思隨渭水日夜下潼關

陳倉

古道陳倉路陰森度谷遲人來銅馬里天入寶雞祠哀  
壑秋啼狄神叢夜叫鷓兵戈憐典午羽檄此紛馳

入棧

驅車鳳翔府努力陳倉道雲棧從天來光景逼西顛深  
林怪鳥啼盤磴異獸薨浮埃蕩洮隴晴曦失炎皞險若  
鑿空行怖每叩齒禱騾綱怯先騁驂服戒後倒轉坡得  
平岡梯空見重嶺驚魂得小憩歡聲卽再造

落日大散關橫雲七盤嶺登頓勢旋磨轉輾迹飄梗輿  
危引纜上埃隻傳柝警前坡方失足後坡已引領將迴  
正鷹盤直下忽驥騁陰火扇祆鳥鬼曆閃濕癭側想哀

壑中萬象出頑獷豕突戒操急鹿鋌况荒憬承平要吏  
才誰與論寬猛

天險出雄才伊呂相伯仲昨來五丈原徘徊策飛鞚西  
南計偏安出師有餘痛却望沔水流哀湍尚心恫褒斜  
萬重雲使車日南和秦蜀所經營曹劉此爭鬪弔古哀  
劫灰卽次冒野霧去去獨橫鞭尋詩發高嘒一笑上青  
天天低欲入甕

鎖院雜詩

糊名

暗中摸索覺才多此客其如小異何衣錦夜來仍燦爛

看花霧裡恐模糊  
點頭尚有旁人在  
著眼休迷五色過  
誰道碧紗能障礙  
儘容銀海一摩挲

給燭

三條官燭趁風斜  
矮屋吟聲聽更賒  
白蠟有灰皆轉劫  
金蓮無燄不生花  
早將燭火卑餘子  
肯乞微光到別家  
莫道相煎何太急  
傳燈弟子要侯芭

分房

慧業相投似轉胞  
喧傳萬卷乍騰抄  
吳蠶僵後初分繭  
越燕歸來自定巢  
故紙相逢萍在水  
賞音可許漆投膠  
紛紛各自傳衣鉢  
門戶何煩洛蜀淆

編號

曉日曛曛便唱籌萬人如海信沈浮虎符衛卒羈縻慣  
魚鑰衙官管領愁永巷不妨聊著腳矮簷何事亦低頭  
卅年占遍東西屋此日醢雞見尚羞

典試事竣入都

使星歸傍泰階符蕙苾明珠一例無青史千秋蜀禱杭  
黃圖萬里漢魚鳧看雲棧路耽鄉夢擘翅蓬山憶故吾  
差喜孤寒能入彀不勞門第問崔盧

從軍

潢池孰弄兵邊徼頓鼓噪男兒荷戈行詎足副遠到幾



年直樞庭天庾粟徒耗努力事身名所幸年未耄短後  
衣衲襦孰如典制誥旁人爲歛戲老妻強慰勞慰勞故  
悽其裳衣自顛倒鳴雞見燭跋客心赴左纛刺促風塵  
顏西風自絹旣行著祖生鞭去側孟嘉帽平生棄繻心  
敢云國士報

軍中有脩期隱然如敵國古來知己言要向燕然勒區  
區記室才未可見峻特上公赴戎旃

大經畧  
傅公

宿衛奮羽

翼點行被

恩綸卽次奉特

勅虎豹恣騰驤鷹鷂畏誅殛推轂出郊甸威弧指滇楚

誰能借密籌况已懼曠職去住俱不敢受薦若被劾匣  
中有湛盧臨行自拂拭

漳河

去去邯鄲道征程浩淼看鞭絲搖暮雨衫影怯春寒歌  
吹臨漳水人才盛建安不如銅雀妓千古發長歎

衛輝道上

急遞衝塵全分馳上黨回車聲流水去驛路亂山來頓  
轡憐殘草連牀貫濁醅無煩諸縣尉日夕候輿僮

隆中

南陽高隱日漢室正紛紜鹿已馳秦塞龍猶卧楚雲吟

畦疑八陣烟水只三分未遂安劉計前星隕定軍  
梁甫吟成後蕭然四壁空田園自雞黍天地忽蠶叢扇  
影揮秦甸琴絃泣漢宮當時嘉遁志真與鹿門同

漢口泝流而上江行甚駛

羽書絡繹馳星郵烽火夜照天南州官程只祝風便利  
長年剪紙燒船頭漢江屹然作重鎮舳艫千里人烟稠  
文書火急津吏懼江頭奔走鳧與鷗顛風今日當斷渡  
有鞭只向波心投須臾峭帆獨西上長檣鐵鹿偏夷猶  
武昌樊口杳何處烟中指點鸚鵡洲大別山下涓水出  
奔馳入漢還交流雲山蒼蒼莽吳楚望古遙集心煩憂

當時沈江此鐵鎖意謂勝算無與侔豈知火攻乃上策  
水中蛟兕多焦頭洛陽頃刻見青蓋漢江江水空悠悠  
舵樓露坐江月白忽聞篷底來吳謳女郎山邊妾家住  
生小十指能篳篥官今奉檄入南徼書生從此將兜鍪  
那能坐此樂復樂船頭已見荆門秋

荊州

江流屈折走三巴沔口荆門抱郭斜一代微詞湘水曲  
六朝殘劫渚宮花古多遷客今何似我是征夫此憶家  
欲向舵樓高處坐章華臺外是天涯

澧州道中

舟行苦濡滯或言灘水劇徒御漫生嗔篙子亦手戟洶  
洶欲堪曾斷斷將破額橫裙競赤跌露紆至見脊蓬牕  
呼譽聲患乃生肘腋若輩事輯濯其氣本橫逆忿至忽  
戈矛歡來又衽席日處波濤中以水爲魂魄激之可過  
顙此理自不易篙子忽顧笑官乃有書癖紛然格鬪中  
尚復強解釋回頭已澧水笑指岸上石千年兩縣尉僵  
立作人腊與其爲憤王無寧侶歡伯沽酒近零陽夕陽  
泊山驛

桃源

武陵入南荒林壑極竇妙人煙五溪蠻神叢二妃廟舟

行過桃源水寒見漁釣窈窕隔重山幽修近邊徼地古  
無墉垣衙官寄蘿蔦道書四十二福地開突突無怪柴  
桑令文章託歌嘯蓮社今安存慧日疲屢照今我棄繻  
來合被雞犬笑

過沅陵諸灘石勢險惡計明日可抵瀘溪矣

竹竿與石爭其勢本不敵所賴出手快稍遲卽已溺我  
船薄於紙彼石堅於壁但聞邪許聲去如鷗鷺擊驚濤  
眩客魂辛苦想所歷明月與虎子

皆所過險處

洶洶將碎艦

初猶畏險艱繼乃快迅激人情每如此俄頃改喜感  
迴腸如溪路設想多錯舛溪路如迴腸亦復妙於轉前

塗方嶽崎彼岸倏婉變下灘性命輕上灘亦幸免帆開  
魚鬚揚柁側燕尾剪欸乃走山脊遠纜不能辨亂石爭  
雄奇吞舟故齧齶紆路甫就深避危又閣淺陽侯故相  
惱豈欲激愚憚賢勞方自此滇黔力能勉灘聲日夕號  
行矣吾何辯

沅水自苴蘭東來入無口不知牂牁外照見烽火否馬

良出五谿蠻夷紮如狗智士請長纓責效要獲醜蠢爾

騰越外不足掃天帚

天帚見水經澧水注

遄行歷諸灘驚濤作鯨

吼一灘不五里自卯還及酉我行已倥傯兵來更抖擻

連營走江岸鐵騎適邂逅迴棹泊沙外此輩印如斗

黔陽

鷓沒天低首重搔那堪從此入哀牢縣門日午雲開路  
古驛人歸血洗刀瘡雨最能消魯酒邊風容易裂征袍  
參軍真箇參軍事一笑神鷹便解條

永昌晤趙璞庵同年有詩見投賦荅卽次原韻  
落日蕭條卷大旗征塵猶記別君時窮荒我未知生樂  
慷慨君真是酒悲客鬢風霜驚老大軍書南北賴支持  
袁絲久已如兄事交誼還應舉世推

附原作

雲盤壁壘日翻旗中有窮交話雨時投筆從戎君自



壯班荆言復我翻悲容顏已恐勞驚問門戶先聞仗  
護持此手曾教書牘背摩崖事重定袁推

黃菓樹歌同璞庵作

我行騰越南其人以毛血爲衣食木石爲天地乃有黃  
菓樹虞初所未記數十百株合一株骨肉交撐究何意  
臃腫負貳尸踔蹠夜叉臂蟠根入土肥蠹逃接葉刺天  
陽烏避天生此樹亦奚爲豈是有心呈怪異吾疑造物  
生五材中土無從試幽閔故來單外召木妖顛倒五行  
作游戲駢枝脅榦連尻椎混沌之睂巫廷鼻豈無佳蔭  
蔽暍人不少幽棲託老魅此地乃以此樹名譬如禱杓

饕餮作史銘其器君才自足徵博識吾筆那如君口利  
連屯潑雨古陰濃樹底侵寒且散騎

騰越簡王述菴

奉

勅多隨細柳屯蠻煙瘴雨亦

天恩九邊斥堠防雍闓六詔風烟望馬援首鼠烏蒙誰  
貸死連雞黑水與招魂借君萬里瀾滄外身手居然挽  
畫葶

題升庵先生畫像

披髮投荒二百年當時痛歌九閩前謫居競識蕭夫子

流寓爭呼賈浪仙，椎髻風流無藉在。  
弓衣詩句有人傳，如何曳杖疎間貌。  
河海行吟墮瘴烟。

青柑同劉竹軒給諫次璞庵韻

強攜柑酒未成黃，振觸江南夢裡香。  
徼外寒漿能破瘴，人間正色要經霜。  
剪枝驟訝酸留齒，封蒂纔看蠟滿筐。  
可惜昆明天萬里，無由歸遺細君嘗。

東坡詩猶有傳柑遺細君

附原作

幾顆新柑綠未黃，居然入手有微香。  
如何一摘當秋雨，不待千林試夜霜。  
虛擬夷官充貢篚，劇憐蠻女費提筐。  
羈人自抱非時感，忍復金門話共嘗。

江行見水底文石陸離可愛掇拾數十枚亦行  
帳中怪石供也

曼衍魚龍石作堆緬江水激浪花迴誰知下瀨戈船卒  
生受煙雲供養來

波紋曲屈漾如螺袖底滇雲不厭多他日天南歸陸賈  
裝輕藉爾壓征駝

彗星

當天如裂帛墮地忽驚霆弧矢方威遠櫓槍敢乞靈蠻  
人秋望歲驛使晚占星

聖世無龜策何勞問窈冥

口號示同人

軍容荼火盛不戰便成灾瘴癘寒猶盛烏鳶曉便來銘  
鐘原有數橫草媿無才腰下防身劍摩挲日幾回

答同年趙雲松時同在大經畧傅公墓下

天南消息未投戈與爾羞稱曳落河孔雀梳翎風幕歷  
檳榔遮徑雨曼陀悲歌獨夜飛書急話舊交方戰骨多  
相對郵筒如夢寐五更毳帳又吹螺

鐵壁關

截鐵爲雄關犴怒非一狀鼓角鳴地中旌旆出天上絕  
險限蠻夷犬牙勢相抗垂天作陰竇卷地爲巨浪奪隘

氣洶洶入峽響悵悵似與厚地爭尺寸不肯讓移營轉  
青天吹笳逼疊嶂戰血赤流泉毒霧濕蒸瘴吾疑天地  
初夾方亦草初禹力所不到山川各奔放習險魂屢驚  
喻奇神覺王躑躅幽谷中猶能發高唱夜半宿箐林腥  
風虎窺帳

猛卯

月黑見野燒歛然滿山谷如螢照馬面拳毛忽局縮似  
於數里外陰森聞鬼哭初疑夷人狡地險或設伏游騎  
馳高原極望無所矚亂峰入猛卯山影眩旌纛礪砢勢  
東迴獷悍氣一束如蝨緣衣襟由單入其復肩鏑洩不

盡中自釀淫毒適然就夷坦馬頭見朝旭回首所來路  
亦復有山綠

虎踞關

曉月似彎弦千峯墮馬前營屯彌勒部關踞燄摩天夜  
火篝鳴兩輕兵竈滅煙懸厓危石在便擬勒燕然

由蓋達抵平戛道中

戰苦炎洲錯犬牙出關哀壑自槎枒逢人不改雕題俗  
小劫真成放手沙鬼窟山高嘯犵鳥尸陀林黑飽蚺蛇  
倭泥貉獫諸蠻部宣慰知應費使車

渡戛鳩江

夏鳩江深沒馬腹馬尾多拖江水綠校長多銜馬尾過  
騰身馬背飛如鵲當歸花開紅欲然檳榔兩岸濃陰圓  
玉驄無恙渡江去我行騎馬如乘船炎荒水暖鎔蹄鐵  
躡水猶嫌四蹄熱中流終恐拳毛驚短筏隨風上飄瞥  
過江便聽江聲愁夢魂飛墮天南州請纓擬把樓蘭繫  
古有跼焉我夏鳩

隨大經略行營由大金江赴新街過蠻岡數里  
日暮行厨失道久不至饑甚口占示僕輩

墨突無烟墮百蠻亡羊歧路揔閒關定知食肉非吾事  
飽看滇南盡處山



新街

昨夜飛書走絕險將軍臨江需戰艦野牛壩口萬艨艟  
人道軍中有小范帳前運甕得指授波底揮戈亟擒斬  
旗幟俄看趙壁空鯨鯢旋作秦坑掩

謂阿將軍  
新街之捷

蠻雲凝

血灑洲渚堦火燒空吐光燄朝來移帳就江水倒影雙  
旂互飄颻軍諮祭酒我何能蠻府參軍才復忝却從督  
戰見舟沈又向行營闕竈滅直因掃窟奪兔狡豈爲馮  
河櫻虎闕將軍間道約師期相度論功私自貶已看絕  
傲震

天威駭浪迴舩如枕簟

宿衛行

宿衛行宿衛奉

勅來京營少年寶頂影朱纓前年殺虎古北口承

恩賞戴雙花翎帳中說虎虎風黑腰下刀猶虎血蝕滇  
池萬里敲銅鼓聞說甸人亦如虎京營火器催前鋒吉  
倫勁旅青海東肩有火礮腰有弓翻身上馬馳如風墮  
巢毀卵諸蠻部蠻女啼花濕紅雨飛書連夜入明光頭  
銜又賜巴圖魯

行帳候璞庵病

戰血如膏污短檠拂廬連夕話歸程漫言投筆仍書佐

自笑應官直老兵腹疾幾從背井過

予近多腹疾

頭風誰遣

下牀行京華儕輩無消息那不攤門一笑橫

璞庵次前韻見訓並索再和

生計如弓不受檠又隨弦月赴兼程  
掀眉自浙矛頭飯  
鼓掌休談紙上兵  
善病其如搔髻短  
初心原道著鞭行  
君聽毳帳三更雨  
猛虎歌終藥尚橫

璞庵先至騰越復次前韻寄示索和

弓衣詩句繡蠻檠尚欲騰牋鬥客程  
絕域刀鏢同出塞  
殘年風雪快收兵  
相逢定作軒眉舞  
話舊誰真食肉行  
鐵研已穿毫已秃  
低頭重聽大河橫

阿果毅公輓詩

身提健卒走籠東，漸喜西南棘道通。  
躑躅不花鶻泣雨，髑髏有竅鬼呼風。  
領軍面肯嫌朱異，搖艣衣猶認呂蒙。  
謂新街之戰使東西，兩路無阻公之力也。  
何事鳳伽新樂部，變聲先已悼膚功。

南征述事呈大經略傅公

百年尉候一西東，又遣軍烽過祝融。  
竊據久留吳淠首，蕭條誰問趙佗宮。  
殊方跨象推兵主，午夜椎牛祀鬼雄。  
自是凌烟少顏色，天教褒鄂立奇功。

西風河海陣雲高，猛育前軍轉戰勞。  
太息賀蘭無契箭

本來光弼有鞞刀縱橫野馬塵摧髡搏擊神鷹血洗條  
月黑滇南殘劫盡魂歸飛作怒江濤

丞相行營到日南上公旌節耀征驂早憑

廟算通瀘水但奉

天威掃瘴嵐犵鳥遶城啼格磔佛花夾道獻優曇胸中  
十萬橫行氣澄睽輿圖似舊諳

詔書敦促掃樓槍銅虎分符下夜郎五將不曾愁失道

兩甄先已會窮荒

阿公與大經畧  
期會於新街

覆巢鴟鳥無完卵破

斧狼胡有缺折

謂收撫猛拱  
土司渾覺

畢竟視師能坐鎮爭功渾

濬太併張

繫項先擒劍荔王陰謀何物敢披猖已教絳市誅秦牒  
未許弦高託鄭商傳首蠻荒人墮膽塗膏原野鼠拖腸  
縱橫裨闔君休矣莫更思登子反牀

謂蜀人蘇明燦等

聖壽

恩綸到象胥祝釐回首望

宸居誰知罄地呼嵩後正是彌天納土初桃竹撞花輪  
欵貢白狼槃木寫降書凱旋知自行

郊勞已見星辰動

帝車

阿南謠

提胡盧祭故夫白楊蕭蕭故夫怒脚踏故夫墳上土妃  
呼豨焚故衣故衣與君曾結襦還君故衣君自知君不  
知涕漣湏君知之火知之諄諄出出催伯姬燄摩世界  
驂赤驪漢元封郭世宗天生爾輩何頑兇熱松明火烈  
烈中有千年烈婦血阿娜妻火把節

星迴謠

空城雀女苦飢女仲連女伯夷星煌煌迴六詔澄睽愁  
蒙雋笑星皙皙慈善智鐵爲劍約夫臂星漸稀開壁衣  
松明樓火鷗飛鳩媒來口辟呬夫骸歸空城閉

阿裨曲

善闡臺荒蔓草青梁園遺事話娉婷天潢第一酬功格  
嘗膽須尋孔雀屏

摩訶年少領諸蠻纜破紅巾入漢關無奈一行徐淑字  
又教樂府唱刀鏢

擁髻淒涼向曉風深宮偶語燭花紅生憐牕外蠻鸚鵡  
謠啄平章搥婦翁

吐嚕何如段阿奴悲來東寺亦荒蕪肉屏獨坐思量遍  
腸斷春風押不蘆

飛書銜恨點蒼多束髮僧奴竟挽戈尺五阜紗須一往  
可知人世有龐娥



滇南詠史

昆明池水劫灰餘，異姓侯王此定居。  
逐鹿已辜陳涉願，跼鵝旋費伏波書。  
河山帶礪慙功狗，歌舞樓臺擁媚豬。  
坐向夜郎差自大，老來狂瀆欲何如。

誓書奉使到昆彌，洱海蒼山付保釐。  
妖讖倉皇銅馬帝，神叢荒幻碧雞祠。  
英雄已笑牀頭客，豚犬真羞帳下兒。  
贏得苴蘭城外路，風輪劫火弔滇池。

冬暖

蠻方耀離朱，候不別寒暄。  
卽看葭吹灰，未見犬吠雪。  
黔驢無飢嘶，犵鳥無哀咽。  
間行昆明池，波紋散細縝。  
暖風

從東至吹萬各夷悅想自祝融來于此立綿蕪河伯懾  
炎威不敢下扁鵲游鱗自圍圍蒼莢還揭揭側想燕雲  
間歲月太飄瞥蹤跡鴻印泥心期鶴鳴埭淒涼炊糜虜  
倉皇問著襟苦憶征夫寒應知寄衣切人事洵難料付  
之一笑啞我我冰山消皴皴地爐熱敝絮多蟲鑽茸裘  
皆鼠齧天意憐窮愁冬心忘兀艱弱毫不呵凍單衾未  
成鐵誰爲苦寒行努力媿前哲

白沙驛

短驛低迴一破顏殊方冬暖鳥關關蠻雲似馬屯空峽  
亂石如羊卧別灣歸路祇今成漫士計程從此得生還

莫言陸賈行裝澀袖有仇池抵百鍰

相見坡

絕磴迥青冥綫路盤如絲如絲復宛轉白雲來間之白  
雲出西峯挂在東峯枝東西兩相望相見還相思

辰溪

掀波自南來洶洶撼郭去地軸撐拄之奔騰不肯住楚  
南多瘴灘不獨行者懼泐泐眩風雷鷗鷺亦猶豫辰溪  
枕孤城百雉頗軒翥俯視怯狂瀾如以朽索馭亂石成  
蜂窠浮波泛花絮搖兀更幾年樓櫓向何處百怪聚族  
謀厭勝亦有故神經與祕牒足以鎮天步六丁所撝訶

蛟螭不敢怒，我大酉觀流雲若吞吐。我欲從之游溪  
寒不能渡。

湖口夜泊

湖口曾經地，歸人自夜郎。楓林猿叫月，蘆港鴈棲霜。久  
客眠難穩，餘生醉易狂。襄陽大隄曲，判倒酒壚傍。

申包胥廟

一慟階前草不春，乞師終許馬強秦。後來阮籍唐衢輩，  
善哭如君有幾人。

營奠

盡室歡顏爲洗埃，日南纔見使車回。已判馬革歸原幸，

一慟牛衣事可哀，入戶蚍蜉綠廢檻。竟牀枕篔委空苔，  
勞人未定傷心劇。營奠營齋亦費才。

傅文忠公輓詩

節相軍威懾九隆，漢庭有詔賜彤弓。契丹使至知司馬，  
回紇人爭識令公。盡掃旄頭秋振旅，旋騎箕尾夜騰空。  
淋漓大筆燕然石，慚媿韓碑勒未工。

車過真應腹痛回，傷心秋井塌蒼苔。賓朋霧散公超市，  
劍履烟銷郭隗臺。已負陳琳充記室，况言魏尚是邊才。  
北邙多少王侯冢，難得孤寒慟哭來。

秋夕

燄冷烟空絳蠟消  
刀鏢回首轉無聊  
秋心又逐餘灰熱  
夢墮天南鐵索橋

小劫搏沙感慨增  
那堪暮景說飛騰  
平生何事非孤負  
兒女英雄兩不能

七夕

紅鸞斜倚怯元霜  
織室年年對女牀  
畢竟癡牛牛背穩  
不曾辛苦射天狼

厯厯黃榆送晚寒  
充庭兒女小團圓  
一彎初月如殘月  
隔著明河不忍看

寄酬蒼林明經

滄江赤鯉揚素鬢腹中尺素君所遺上言努力崇明德  
下言猿鶴多然疑疑我溷跡久塵土瓦缶不足陪鼎彝  
又言浮沈宦海內十年已被犧牛絺文章京樣出鳳閣  
能否壇坫隨槃匱開械三復意思厚摩挲紙背還纒歛  
平生浪迹君所知夢寐亦化尻輪馳往者湖山一獻賦  
乃隨立仗來

丹墀此手豈足知制誥愛我不復相瑕疵俸錢差厚足  
自給糞免妻子歌伏雌天南戎馬忽奔突劫灰萬里昆  
明池枚皋草檄才不逮肯逐竿馬驅邊陲於時丞相置  
幕府下走只合供鞭笞蠻烟瘴嶺墮徼外白日黯澹蚩

尤旗天橋一墮已九死罔兩哆口如南箕佛言捨身飼  
餓虎道旁櫻肉烏鳶飢那知投荒無死法騰身又復來  
昆彌日南荷役閱年歲山經怪牒窮神奇玉門生入出  
萬幸有如丁令歸來時入門相見各惘惘痛定思痛悲  
漣洏馮唐爲郎已白首荀令歎逝成清羸一官於我亦  
何有坐看萬事如累碁聞君上書不得意歸卧早滌衣  
塵緇琵琶跂脚北牕下真人天際知爲誰行將蓬累入  
空谷從君晏坐談孔姬



百一山房詩集卷八目錄

漢臯曲

湘娥怨

鷓鴣辭

湘人折花曲

龍女引

襄陽樂

賈太傅廟

劉郎浦

登武昌城樓

秋試放榜後解首劉生維組偕諸生來謁口占示之

鸚鵡洲

吳桓王廟

武昌行館適縣吏呈省志閱之間有所觸繫以斷句

驟車行

官馬行

自省

獨夜

迴腸

抵貴陽使院作

同年蘇園公需次貴陽相見使院有贈

銅鼓山

循棲霞山麓至來仙洞

辛卯除夕

壬辰元旦次園公辛卯元旦韻

鎮遠道上

鮎魚關口占示園公

江頭坪

銅仁示幕中諸子

游黔西州東山寺次園公韻

東山寺送園公東歸

貴陽公解自撫藩以下各占山頂獨學使署在平壤予於署後隙地積土使高爲堂三楹供暇日登覽堂後逼近東山故以近山顏之

寄王琴德趙損之蜀中時方從溫相國征小金巒春日邀漫堂中丞崧霞廉訪作蔬筍會

偕崧霞廉訪甌北太守至雪崖洞尋甲秀樓諸勝甌北見投長篇予亦和作

李漫堂中丞按部石阡勘視城工以途次雜興十  
二首寄示卽題其後并寄

哭趙損之農部

訓馮學使應榴蜀中

蒙

恩授大理少卿恭紀

滇中

以勘視至騰越重過大樹園感傳文忠公事  
雞足山訪大迦葉尊者華頂道場

寫韻樓

病中答家春巖學使

以事發軍臺旋蒙

恩授翰林院編修恭紀

蒙

恩擢任東藩

召見乞內用

溫旨諭行恭紀

東藩封篆後乞假馳歸葬親負土既畢感

恩恭紀

歷下

暹羅貢使行

桂林簡趙甌北

翼同年

自廣州赴潮途次接查

好問學博書

接桐城姚祠部姬傳

鼎書并見懷長句奉答

題吳雲青載月圖

自題焚香燕坐圖

家人以匱乏告作口號示之

巡閱至桂林留別春臺中丞

永清

巡閱至桂林留別奇麗川

豐額

方伯姚佃芝

梁廉

使

桂林晤于健園學使鼎賦此志別并送還朝

哭橫塘胡宸瞻龍友

途次值秋潦驟至肩輿截流而渡

喜袁簡齋至卽以送行

秋夜書感

點送粵兵赴臺四首

接軍營鎮將捷報寄此獎勉

題道古堂集後

賞穿黃馬褂

紫禁城騎馬恭紀



七十自述

蒙

恩賞假演劇宴客恭紀

觀劇口占

青草

攝山

元武湖

長干曲

雨花臺

大功坊

石子岡

燕子磯守風

徐州工次勉諸屬吏

蒙

恩以協辦大學士召恭紀

百一山房詩集卷八目錄

百一山房詩集卷八

仁和 孫士毅 補山

漢臯曲

西風吹落葉秋到岳陽樓  
鴛鴦嬌楚豔菡萏聆吳謳  
永夜蘆中歎繁霜雁背愁  
妾心如漢水日夜東南流  
盈盈大隄女十五峴山居  
仙裙垂絡索綺戶網交疏  
相別各千里相思復何如  
君如建業水妾是武昌魚  
楚萍圓照影漢女綠低鬟  
昨日橘洲去今日麋湖還  
妾心爲帆脚郎心如衡山帆  
隨湘水轉面面見郎顏

湘娥怨

九疑綿邈蒼梧陰哀壑窈窕猿猱吟猿猱吟響悽絕  
金絲彈出湘娥心妃盲姪瑩始瀉汭考擊幕樂鏗璆琳  
黃河不波景星見南熏披拂絺衣襟山車垂綏何兀兀  
古黃委轡還駸駸湘潭千年鬱雲氣卷婁鬘露兼幽深  
涼飈蕭蕭泣山鬼楓林颯颯啼仙禽幽淙出澗斷復續  
彷彿二女調清琴清琴無言水雲起蒼蒼仰見芙蓉岑  
巴陵迢遞衡山遠一曲湘娥怨古今

鷓鴣辭

伯勞東去燕西飛鴻雁紛紛向北棲只有南人聽不得  
一聲懊惱盡情啼

吳下春鶯破曉煙  
杜鵑紅雨澀冰絃  
鷓鴣啼過黃陵廟  
半似春鶯半杜鵑

洞庭湖畔草萋萋  
山鷓高飛水鷓低  
莫道行人行不得  
我行曾到夜郎西

苦竹嶺頭相對呼  
鈎輶聲裡下蒼梧  
迴腸已作巴陵水  
夜聽哀猿曉鷓鴣

湘人折花曲

湘水如烟籠碧紗  
湘流曲折來三巴  
湘花能紅湘草碧  
多少湘人行折花  
兒家橘頌亭前是  
腰下裙拖沅湘水  
學得黃陵廟裡妝  
髻上九疑青不已  
折湘花躡湘波湘

波碧龍女訶江有芷風猗那下里詞陽春謔折花不歸  
君謂何

龍女引

洞庭縹緲靈虛殿壁柱珊瑚牀夜開宴荒草千年柳毅祠  
諾臯舊事誰曾見身是鮫宮百斛珠靈梭翠鑷繡羅襦  
四圍水藻柔毫褥百幅天吳紫鳳圖成行姊妹居瑤室  
嬌小相呼行第七

借用薛瑩  
龍女傳語

瑤瑟爭彈沙上鴻畫枰戲

賭霜中橘小姑何日嫁彭郎冰下人來便促裝已分此  
生成比目誰知公子竟無腸涇陽龍子頻呵譴臭味真  
成鮑魚賤自叱羝羊類漢囚偷彈淚竹如湘怨邂逅翻

憐憔悴餘風鬢雨鬢渺愁子只言賸甲殘鱗在鄭重江  
頭尺素書長安下第顏如墨岐路相逢淚霑臆同是天  
涯淪落人消魂何況驚鴻色一樣楊朱泣路歧匆匆小  
立又將離紅綃滴盡鮫人淚恨不相逢未嫁時洞天福  
地虛無著幾曾親到蓬山脚幸有靈犀一點通分波竟  
抵元珠閣玉札瑤函四座驚叩藤使者一身輕見水經  
溱水注  
浪傳娶婦來河伯直是沈淵見尾生此時翁媪方愁訴  
霹靂飛空赤燄怒金鎖難牽玉柱迴騰身竟擘青天去  
疑是人間古押衙錢唐君已到天涯須臾非霧非烟裡  
侍女多隨萼綠華訓功明日徵歌舞嬌女婷婷出朱戶

劍氣猶凝鶚鶻膏酒人爭擘麒麟脯落葉紛紛滿洞庭  
尊前檀板若爲情可憐貴主還宮樂譜入陽關第四聲  
歸來百事拚潦倒漸覺蒼然潘鬢老舊夢明明記蔣琛  
書空咄咄同殷浩又下溫家玉鏡臺兩行紅燭各低徊  
誰知玳瑁雙棲後彷彿魚龍曼行來人天慧業多如此  
却倚紅鸞笑不止不見當時許漢陽柔腸吟斷瀟湘水  
瀟湘無際楚江分一夜扁舟酹夕曛從古詞人皆好色  
自來神女揔行雲

襄陽樂

襄陽樂賈胡大腹肥如瓠馬牛量谷論迴易妖鬣十五



能當墟襄陽樂寶井游宮古未有章華臺前楚姬笑倒  
捲洞庭作春酒襄陽樂長編大舸來巴西湘花湘草好  
顏色全家多唱白銅鞮

賈太傅廟

遭逢文景尚投荒吳芮城頭送夕陽知有文章能弔屈  
從來才子例浮湘一生慟哭蒼梧外九死招魂嶽麓傍  
讀罷水經尋舊宅井梧何處鹿盧牀

劉郎浦

紅燭雙行照鹿盧寶刀十隊映流蘇劉郎浦口嗚嗚水  
流到螺磯廟外無

登武昌城樓

鄂渚蒼涼起暮砧，漫將使節一登臨。  
絕無記室登樓賦，容得先生倚醉吟。  
樊口寒雲橫雁背，漢南衰柳送秋心。  
定知黃鵠空中笑，四十年華雪滿簪。

子自緬甸從軍  
即已見二毛矣

秋試放榜後解首劉生

維組

借諸生來謁口占

示之

掄才曾記到蠶叢，奉使西風又渚宮。  
未必鄆州無李矩，可能江夏見黃童。  
升沈大抵如荆玉，得失無勞問楚弓。  
莫道異才公等在，幾人投筆歎飛蓬。

鸚鵡洲

鸚鵡洲自從正平死芳草不復綠可憐鸚鵡語何似杜  
鵑哭只看漢水空今古百鳥多爲鸚鵡舞吳商蜀賈夜  
鳴榔想像漁陽怒搥鼓大兒孔文舉小兒楊德祖黃祖  
何人乃敢侮君不見曹瞞捉刀時英雄有人指黃祖捉  
刀時乃能殺名士

吳桓王廟

武烈中年慟曲阿英雄江表挽凋戈復讎賴有孫郎在  
割據其如漢水何楚帳弓刀名士滿吳宮花草美人多  
曹劉千載空流水銅狄何人爲手摩

武昌行館適縣吏呈省志閱之間有所觸繫以

斷句

木枿何爲者編排溯上流不知興廢感只覺渡江愁  
期艾曾何害揮船漢水波至今烟雨裡搖艣白衣多  
吾亦登高去西風扇客醺強呼風落帽優孟學參軍  
鎮將風流甚何嫌老子狂紛紛參佐輩明月共胡牀  
赴義洵云難絕裾未爲是生約陶士行死拜徐孺子  
三日見楚王猶然口腹誹不見懷刺人謁者多如鬼

騾車行

騾車行何局促縣官簽牌吏夜捉吏下邨里社哭雞鴨  
驚飛多上屋騾論頭車論輻五家一騾草十束十家一

卓車不足以驟償車還帶犢草多折官錢車多折酒肉  
里長城中歸強邀縣吏宿社鼠憑城狐公然擅禍福吏  
言追呼嚴長言戶口熟驟肥吏索錢驟瘦官怒朴里長  
中間手翻覆一驟派丁夫一車雇村僕丁少還向別家  
鬻不知何官長朝暮只馳逐危坐車箱中無言怒以目  
爾怒以目我以腹車郎當驟獨漉一官過一路哭

官馬行

官馬行行何遲馬老不足供鞭笞官馬行行何瘦肥馬  
多在胥吏廐稽一束豆一升草頭一點如飛鷹歸來髀  
肉皸生蠅芻在槽馬在野長官飛帖驛丞驚明日看花

要快馬

自省

湘南來去使星寒  
自省何曾負此官  
只恐三條紅燭底  
匆匆花向霧中看

獨夜

纔卸征車掃簟紋  
維摩丈室戒香熏  
塵昏黠鼠銜書過  
風定棲烏別樹聞  
坐久燭奴方下淚  
夢來神女定爲雲  
中年哀樂尋常事  
漏盡銅壺又夜分

迴腸

銀蟾窺客綺牕過  
懊惱誰家子夜歌  
我意已如枯井水

迴腸其奈轆轤何

行館無聊鬪酒鎗風鬟霧鬢若爲情不知海水天風曲  
可有琴高赤鯉迎

抵貴陽使院作

箐烟蠻雨壓輕裝山驛昏昏水驛荒管下長官知負弩  
道旁父老喜褰裳三年舊記跼地萬里重經叱馭鄉  
聞說絃歌峒俗改此身慙媿段文昌

同年蘇園公需次貴陽相見使院有贈

揖客當關四座驚故人無恙話春明似聞文字牢騷甚  
但覺鬚眉嫵媚生春夢婆休談舊恨地行仙自屬先生

天南容得狂司馬壓鬚蠻花笑口迎

銅鼓山

黔南佳山水風景延晨熹窈窕見山寺曲折通荒埤城  
南孰幽討碧雲如相期凭高俯城郭引手攀南箕春陰  
來黔江忽復遮山移逢逢聆遠聲似雷還然疑或言銅  
鼓鳴每在風雨時須臾烟靄合密雨圍如絲一笑謂長  
吏此理無難知黔山銅所產銅鼓黔人思聞聲動其魄  
長吏神乎辭邊才不厭譎善用乃得之

循棲霞山麓至來仙洞

衙齋坐清曉一片霞飛來霞外無人迹山中生古苔蒼



崖成獨坐石扇幾時開無數干霄樹天教老此才

辛卯除夕

舊來躍馬此彎弧今夕飛騰又酒觚斷送華年如博局  
破除殘臘有杯湖客來且闢三三徑

予於署後  
新葺數椽

寒甚能

消九九圖十二年前惆悵在釵頭記點小於菟

壬辰元旦次園公辛卯元旦韻

又向黔陽慶履端天南鴻爪此盤桓討春漸覺蠻烟暖  
待漏曾同畫省寒門外襤衫呼利市

時將按  
試鎮遠

尊前爆竹

報平安如君倔強成間宦慙媿人間獬豸冠

附原作

蘇去疾

朝正已隔五雲端，虎旅千門且尚桓。  
香燼漏殘推枕起，霧消日出面山寒。  
莫猺獻歲祈丞相，遼海孤蹤識幼安。  
料理游春百錢去，側身天地老儒冠。

鎮遠道上

一路梅花到鐵溪，遶城猺女亦扶犁。  
已看擊壤多麻麥，無復驚塵畏鼓鼙。  
瘴雨幾家蒲葉長，亂山何處竹雞啼。  
忽聞林外堦離語，犵女行歌過水西。

鮎魚關口占示園公

鮎魚關路夜漫漫，仕宦真如上竹竿。  
我亦卽潛幾白首，頭銜彷彿似都官。

江頭坪

平溪驛外踏歌行  
黃土關前春草生  
只有江頭坪最好  
竹雞啼處是清明

媿隅蠻語轉妃豨  
吹徹蘆笙舞畫衣  
一自爨童跳月後  
江頭犵鳥揔雙飛

銅仁示幕中諸子

銅仁形勢入清秋  
百丈山高扼上游  
絕徼南迴諸部落  
孤城北折大江流  
風前細葛頭人織  
霜後紅蕉種女愁  
如此溪山良不惡  
尊前何苦怨依劉

游黔西州東山寺次園公韻

人生幾兩屐烟翠招我行平林正啼鳥節物方清明衙  
齋校士罷失喜文書清言尋東山寺却越黔州城峰迴  
寺不見撲面來深青始知幽絕處翠柏張如屏老僧梵  
頌畢衣袖垂踈櫺雪眉年七十結契依巾瓶逃禪古有  
道遺紱人所傾云何祕密藏無聞亦無聲坐此惜衰老  
鬢髮添星星去國忽萬里朋舊嗟合并與子成二老何  
時訂耦耕

東山寺送園公東歸

客夢無端刀上環征塵萬里太間關與君正話干戈裡  
為園公話此客難留去住間覓句遠公應結社逢人阮  
緬甸事

瑀孰搜山抽簪畢竟中年好遲我年時叱馭還

附和作

蘇去疾

聞道禪房翠作環勞懷擾擾夢相關清風一榻虛明  
裡黛色參天杳靄間江上客尋開士宅水西人說戴  
公山諸君再有東林約問柏衰翁下瀨還

貴陽公解自撫藩以下各占山頂獨學使署在  
平壤予於署後隙地積土使高爲堂三楹供暇  
日登覽堂後逼近東山故以近山顏之

亦有林巒美堂成一放顛吏書爭坐帖俸乞買山錢笋  
長新留竹茶甘別引泉科頭撫清散流水是師涓

那用論頭地三椽膝可容誅茅非宋玉長物有王恭倚  
檻招涼月低顏接衆峯不須唾一簣聊爾稱踈慵

寄王琴德趙損之蜀中時方從溫相國征小金

蠻

請纓礪砮又從戎曉月金川挂角弓對飲騶前真跌宕  
捉刀牀下自英雄寒生玉壘衣如鐵夢遶金溝漏轉銅  
記否題詩磨盾鼻幾年老我首飛蓬

春日邀漫堂中丞松霞廉訪作蔬筍會

登梓節物稱寒羶鬪酒分曹笑拍肩小圃驚雷縹似玉  
塌窠微雨翠如烟此君小異容千畝茲味能嘗已卅年

吾舌尚存須大嚼麪車明日又流涎

崧霞約排  
日小飲

偕崧霞廉訪甌北太守至雪崖洞尋甲秀樓諸  
勝甌北見投長篇予亦和作

將尋黔南雲客以雪崖告南天少風雪安得此名號譬  
如草野有奇士纔得聞名已傾到只宜兩屐行不稱雙  
旌導同心有二三未赴足先蹈已戒亭尉迎不煩縣吏  
報墊雨林宗中吹風孟嘉帽謝公度嶺作山賊田文出  
關爲狗盜儘教對仗讀彈文且自拈花粲微笑甌北有  
明朝狂  
名應傳遍准備甘蔗  
入彈紉之句故云雪崖何時擅奇妙五丁鑿開混沌  
竅林深飄墮梵魚音洞窅吹迴燭龍照應真渡海有遺

龕外道燒山，賸空竈斜光。一綫漏星辰，曲磴千尋卓。旗  
燾已欣筋力到，幽險更有心情寄。蘿蔦山寒日瘦，春氣  
遲門外疎楊映。垂釣萍開細沫游，魚吞烟曳輕絲晚。鴉  
噪卽看登頓畏，攀躋漸覺從容有。吟嘯中流傑閣自巋  
然，鐵柱摩挲足憑弔。平苗歲月紀功績，應有高文垂絕  
徼。豈知礪角牧牛多，前代文章歸劫燒。人生遭際非偶  
然，我亦餘生乞兵礮。不如搖筆記茲游，比似銘功孰多  
少。

李漫堂中丞按部石阡勘視城工以途次雜興  
十二首寄示卽題其後并寄



聞道單車醉尉訶蕭然行館可張羅任延過嶺知婚禮  
庾亮籌邊自嘯歌月黑萑蒲行劫少春深麥秀感恩多  
尚言白首龍鍾甚中丞有龍鍾筋力異白首負恩私句按部爭看此老番  
哭趙損之農部

赤展碣樓轉戰深

金酋自號赤展

前軍忽見大星沈裹來馬革

千秋事聽到啼鶻五夜心漫道彈冠須貢禹誰憐草檄  
失陳琳慰忠祠外招魂處聞川省建慰忠祠祀西征殉難諸臣瘴雨蠻煙  
不可尋

訓馮學使

應榴

蜀中

來往天彭井絡中遞將佳句碧紗籠炎天使節東西蜀

京樣文章大小馮千里游魚遺濯錦一時威鳳託疎桐  
百花潭上新桃李老我黔南想種菘

蒙

恩授大理少卿恭紀

徘徊郎署侍明光一夜除書下建章纔見使軺迴李邵  
敢將刀筆薄張湯宦貧久已門羅雀

恩重翻疑背負芒

聖德自清廷尉獄平星剛照泰階旁

滇中

西南又度萬重雲洱海蒼茫暮色分兵後彝民勞撫馭

議來鹽鐵怕紛紜，碧雞自昔知才子。  
笮馬爭先認使君，爲語道旁諸父老。  
舊來蠻府是參軍。

以勘視至騰越重過大樹園感傅文忠公事

丞相行營地，荒園尚夜郎。  
秋風搖細柳，亂石散紅羊。  
老我山邱感，相看鬢髮蒼。  
征西幕下士，陳迹轉徬徨。

回首賓僚盛，相從亦拍肩。  
白爭聯石鼎，琴德損之有棹大樹園聯句

每泛航船繫馬，今何處攀條。  
此泣然一番歌哭裡，聚散信沙搏。

雞足山訪大迦葉尊者華頂道場

昆彌以南天，嵯峨東迴洱。  
海西榆河點蒼羅，浮互襟帶。

中有雞足遮羲娥吞雲欲霧峙南詔遠勢直欲通牂牁  
釋迦弟子大迦葉恒河沙劫驅修羅自從熙連受正法  
幾時遠渡流沙過梨衣一領金縷碧西來大意應云何  
梵輪倏忽如投梭生恐蛻骨歸尸陀談空說有開色界  
却借山岳爲槃阿花首道場眩人世莊嚴妙相誰敢訶  
棘僮狔女盡頂禮曼陀花雨鋪青莎吾聞世尊滅度後  
二十八祖傳非訛馬鳴龍樹遞祖述迦自阿難連優波  
中間鳩摩更鶴勒始于迦葉終達摩千年佛法入中夏  
那用白馬尊經馱道場作俑尊者始佛之弟子儒之魔  
我來拜佛佛莫笑果能度世何論他蒼巖翠壁儼兜率

籃輿況足資吟哦茲游萬里亦奇絕詩成肯換書經鵝

寫韻樓

一代才人竄夜郎閨人詩句怨朝陽只憐滄海遺珠集  
未得親逢郭武襄

插花傅粉唱歌來醉乞蠻酋寫綠苔斜日不韋城外過

藤花蔓葉滿詩臺

永昌有明詩臺亦升庵游憩所

病中答家春巖學使

敢謂賢勞甚何辭觸執行旬宣愁絕傲瘴癘老餘生小  
劫甚難了空花夢易驚禪心飛絮似燕玉若爲情

時勸予買

姬故  
謝之

以事發軍臺旋蒙

恩授翰林院編修恭紀

吏議真教國法伸

恩綸大地轉陽春

九重何幸寬天譴萬死還應赴鬼薪八百胡椒消頃刻

時以不舉李制軍贖私獲罪

三千弱水到逡巡謫仙雅稱頭銜好慙

媿紅綾餅味親

蒙

恩擢任東藩

召見乞內用

溫旨諭行恭紀

彤廷麗日五雲開

溫語從容立仗迴三輔保釐連邾郳

九重恩命近蓬萊黃流正值宣防後青岱多歸薄領來  
自欲乞身

天未許觚棱回首瞭鷹臺

東藩封篆後乞假馳歸葬親負土既畢感

恩恭紀

漢臘分頒大酺嘗乞

恩真許束歸裝焚黃久闕春秋祭負土纔親碌碌場失

喜炎荒留馬革敢勞郡縣號烏傷叨來

異數多逾格報稱其如鬢已霜

子從征緬甸瀕死者數矣深以先人窀穸爲憂

故有第五句

厯下

厯下西風上鬢絲聖人鄉近好絃詩  
晚來衙吏隨鴉散  
一桁青山入舜祠

杜康泉上躅寒蕪閔子祠前碣有無  
身在趙吳興畫裡  
鵲華秋色大明湖

暹羅貢使行

粵南橫海無邊烽



舜日遠照炎洲紅島夷卉服各向化譬如海若皆朝宗  
暹耶羅耶遠綿蕤交趾真臘爲附庸成康王會八百國  
蕞爾玉帛何由通前年遣使請

恩命

詔書已與輪船東魚龍紉縵日五色堯離夷語知呼嵩  
聖人五十有三載嘉莫紀歲方無窮外臣幸得隸屬國  
心隨越雉思高翀雲騰波擊一千里只瞻斗柄迴針蓬  
宓機獐錦金葉表中有奇字如飛鴻金葉表文一書暹字曰臣鄭  
華忝封號抃舞

聖德歌龐洪帕使滑里遜通亞

使臣帕史滑里遜通亞排那赤突等一一

方物呈蒿宮其獸馴象更犀角其禽孔雀開屏風龍涎  
翠毛夙所產媵以豆蔻蠻烟叢

以上皆所貢物

聖仁懷遠無勿屈遐方絕徼昏悒蒙任土作貢古有道  
藉使葵藿輸其忠海水不波天路濶朝正況易催艤舫  
使乎使乎過丹闕鈞天謁帝將毋同

桂林簡趙甌北

翼同年

盛世何容託隱淪文章公等況如神記來北郭頻攜酒  
謂趙君

緘齋

夢醒東山冷笑人未必歸耕能種秫空教後起

積如薪

鸞旂行慶兼求舊莫被尊鱸賺此身

時聖駕巡幸江浙

金筑分襟又十年幕南遺跡渺蒼煙

傅忠勇公駐騰越時與君同在幕下

當時同作參軍語此地猶傳太守賢

君曾任粵西鎮安守

千里興

關垂索返

上年君需次北上至臺兒莊仍返

五更風緊峭帆懸

今春余於五更

過常州君乘舟追送不及祇今更阻毘陵路目極河梁落照前

自廣州赴潮途次接查好問學博書

離思如煙不可尋發緘真抵發贏金君期烏石峯頭晤

峯在湖濱

我夢黃灣渡口尋難得故交餘盛憲合將今事問

崔琳

頻年得君書述家鄉近事甚悉

平泉風月東橋酒漫道年來不上

心

萬斛龍驤駕海螯登壇慙佩呂虔刀

時赴潮選調征兵運送軍需赴閩

輜才

天遣盤根試暮齒人憐運甓勞昨日乍辭蘇玉局

昨過惠州

嘉祐寺

去年曾訪柳儀曹

客秋閱兵粵西

何時與子耕烟水同著

東湖舊布袍

接桐城姚祠部姬傳

彛

書并見懷長句奉答

曾憶星沙共短檠

庚寅同典試楚南

枉教鷗鷺怨寒盟書同稀

有南來鴈詩比橫行北府兵鬼笑劉龍無長物我思衛  
虎是真清扁舟何日攜家具良弼橋頭結耦耕

題吳雲青載月圖

瓜皮春暮濤蘆荻響蕭蕭乍喜溪風緩忽驚山月高圖

成得秋意我老夢江臯坐嘯豪猶昔英雄讓捉刀

時雲青在

中 余幕

自題焚香燕坐圖

悟得前身蒼蒲林每於燕寢自沈吟味同曾點初希瑟

神似昭文不鼓琴豈有宏篇追麗正

張說攜麗正文字  
謁友友輒焚香待

可無故事待溫尋

禮記疏溫  
尋故事

晝行夜告吾猶歎願就蒲

團証此心

家人以匱乏告作口號示之

漫道支持力竟殫甑塵比我境尤難但教清味常堅守  
自覺媮風漸改觀暮夜無金長睡穩高明有鬼寸心寒

海南百貨充關市，祇當鳩媒薑薑看。

巡閱至桂林留別春臺中丞

永清

社鼓村雞驛埃紛，書來常帶嶺頭雲。  
橫街燈火燕臺迴，都下同 寓橫街 桂管歌謠魯柝聞。  
歲儉先教詢市價，譚深剛又感離羣。

主恩酬疊吾難報，努力籌邊囑卯君。

巡閱至桂林留別奇麗川

豐額

方伯姚佃芝

梁

廉使

烟水迢迢夢轂紛，相思落月又停雲。  
六條政美三江靜，五術風清一路聞。  
磬野哀鴻知蚤集，穿墉碩鼠怕成羣。

匆匆愧未周民隱一炷心香夜獨焚

桂林晤于健園學使鼎賦此志別并送還朝

蕭然行脚打包便來續元亭載酒緣瓊島懷人稀尺素  
春燈聽雨又三年秋迎庾嶺輕軒穩帆轉湘江使節懸  
到日定膺

宣室召衰慵煩達

至尊前

哭橫塘胡宸瞻龍友

病起寒窓叫斷鴻悲來怪雨挾盲風貧當糧盡還留鶴  
吟到秋深竟化蟲賫志未能圖五岳

君又號雙髻道人  
欲遍遊名山因貧

不果無兒難免悵三同孝章死後書方至此事終須怨孔融

途次值秋潦驟至肩輿截流而渡

急雨淋浪晚未收頓教平楚幻滄洲軍聲濁浪喧鵝鴨  
鬼火荒江起髑髏也擬挾輶能走險防他涉足便隨流  
涼雲莫再添秋潦多少嘉禾在綠疇

喜袁簡齋至卽以送行

翹首雲階未許登今朝把手興飛騰文能壽世輕千劫  
力可回瀾此一燈樞地有人誇紫雪

慶樹齋尚書向爲  
余談紫雲軒勝槩

海山到處引紅藤條冰相對青蠅去陡覺炎埃隔幾層



綺年入洛最知名壯歲遊秦宦蚤成兩卷檀弓寧有例  
三生杜牧本多情江山跌宕旁妻好風雨颺馳老筆橫  
聞說明珠雙照座慰懷何止一官輕

不遞鄉書不遣媒闐然直爲荔支來文章澤國蛟龍避  
裙屐仙山蛟蝶陪當日登場誰不識只今此事更交推

自慙海上孫賓石瘡霧憑公一掃開

粵東濱海向多霧  
雨公至連日晴霽

渡嶺裝欹一葉風小倉紅影落霜楓人將仙佛疑山賊

天遣亭臺屬寓公心跡仍依徵士傳姓名早隸日華宮

歸逢詔

蔣心餘  
太史

壹

趙甌北  
觀察

皆吾友爲報居官與昔同

附

枚方以詩獻中丞而中丞贈詩適至病中

如數奉答卽以留別

袁枚

正投巴曲到軍門忽聽鈞韶降野濱  
汲鄭果然能禮士臯夔原本是詩人  
筆揮強弩堪穿札氣吐秋雲不染塵  
病裏瑤笺當靈藥一回雜誦一精神

舟泊羚羊峽口邊早聞父老說公賢  
官如子弟人人見政比秋霜樹樹鮮  
渡海輕裝常載石焚香諸事不瞞天  
嶺南元氣非難復只望旌旗駐十年

公有百一山房專供

怪石

竭來門外八騶鳴野叟頽唐廢  
送迎禮錫百朋裁兩面交雖十日勝  
三生民間疾苦殷勤問海內文章次

第評我亦臨岐託君子元方有弟望裁成

羅浮擬訪葛仙衣可奈頽禽翅不飛一息尚存山要  
看秋光漸老客思歸掃門魏勃從今遠識曲鍾期自  
古稀回首五層樓在望謝元暉尚夢依依

秋夜書感

海月生秋氣最高坡公兩耳怕蟲號三年東國踈吟伴  
度嶺後久不作詩一夕西風感鬚毛夏統心原同木石王褒用

更薄錢刀金明池上

恩波濶客得依蒲日幾遭

余久病未痊擬乞恩留京

點送粵兵赴臺四首

于喁環海唱扶犁蠻觸無端據蒺藜

帝遣重臣因命度民知大義竟歸殫

臺地義民間林爽文作亂羣起助勦

賊怒戕其家口甚多故用耶

洪濤百丈騰枹鼓組甲三

千耀水犀忍遣么膺勞

盱食紅旗飛渡浙東西

樓船東去斬長鯨屈指郵籤日幾更

渡臺以更記程每六十里爲一更

天策佇膺圭卣

錫飲飛爭赴鼓鼙聲平臺記應紅羊劫

蕩平臺匪例有紀畧宣付史館

唐殷堯藩賀平虜詩記取紅羊換劫年謂是年丁未合平虜寇也今歲干支適同

渡海師傳白

鹿迎

海神每日以白鹿迎射磨見酉陽雜俎

爲道恩循多反覆莫教輕築

受降城

此日軍容步伐齊  
甕中擾擾笑醢雞  
赤嵌

城名卽安平  
城此指南路

月黑嚴刁斗青  
闕風高吼鷓鴣  
斷澗須防雙雉竄

西涼錄李

歆將敗有  
雙雉飛出

游魂早向七鯤啼

一鯤身至七  
鯤身皆臺地

漫言柳往來

應雪笳鼓歸猶綠  
滿畦

自笑陳琳檄未工  
也曾磨盾學從戎  
夢驚猛拱濤頭白  
渴飲官屯戰血紅  
但請一丸封已足  
已遺三矢盼猶雄

感

恩何處酬毫末  
願得浮江比阿童

接軍營鎮將捷報寄此獎勉

射聲中壘選翹材

此次赴臺協勦皆選熟悉戎行慣經戰陣者

三捷軍書插

羽來要遣摧枯同沃雪休教遺燼又燃灰震霆氣蝕蚩

尤霧縈矢風清偃伯臺竚聽

殿頭宣畫手紫雲深處閣重開

題道古堂集後

垂老疎狂七不堪靈光一老在東南生前敗葉空書篋

先生博覽如李善故有書廚之目

劫後殘碁冷佛龕

歸田後伴狂玩世時時在貢院前僧

奕罵坐故人多避席上書嚴譴當抽簪竭來嶺外經

行處輸與羊城得遍探

賞穿黃馬褂

紫禁城騎馬恭紀

立仗年年屹玉鋪  
衝寒曾記

賜元狐五花更

勅飛龍廐一品還  
披紫鳳圖領袖真慙承密勿衰殘何  
計效馳驅據鞍袴褶平生志  
矍鑠猶能報國無

七十自述

北牕跂腳弄琵琶  
此樂曾無一日誇  
門外張羅餘野雀  
鬢邊赴壑有修蛇  
人回絕域

龍顏喜天與衰年馬齒加  
七十年來巖電過幾回  
退食  
一咨嗟

評量舊事且銜杯

異數能叨第幾回釋褐臣方羈簿領謫官

天許到蓬萊已將節鉞慙方鎮漫擬文章列上台寄語  
玉堂諸老輩公門桃李

帝親栽

遂初初志已難論識字耕田石鼓村白髮者英諸老在  
清流里社幾人存磨牛步步皆陳迹巢燕翩翩有舊痕  
料得臯亭黃鶴畔儘他猿鶴笑朝昏

恩重應難老澗阿匆匆小劫付修羅一軍風鶴倉皇後  
八部天龍懺悔多自欲引年攜玉杖敢煩滕爵泛金波



故鄉烟水知無恙何日懸車卧薜蘿

蒙

恩賞假演劇宴客恭紀

羅雀門庭列几筵朝來奉

勅宴平泉部頭競獻魚龍戲

天子能知犬馬年溫語乍傳三殿

詔稱觥爭謝十洲仙一時賓客皆

君賜太史知應奏聚賢

觀劇口占

潦倒新豐濁酒杯浚儀逐客辱塵埃坐中亦有中書令

曾爲常何作奏來

鄙塢然臍照路塵中郎一哭動青旻笑作後世鋤姦疏  
多少冰山錄裡人

旗亭楊柳尚依依三疊歌成草不肥從古文人能補過  
傷心豈獨一崔徽

哀絲豪竹列羅瑜吉語分明慰老夫只看滿牀遺笏在  
人間還有魏暮無

青草

一痕草色上庭隅報道東風一夜蘇不信東風吹得綠  
何曾吹綠白髭鬚

攝山

上元行部暇迴鑣入扈村言尋棲霞勝綫路通雲根微  
風振魚唄幽絕悽心魂四山圍栲栳一徑驅雞豚烟深  
不見寺路轉方知門佳辰發清嘯逸思隨風鴛亭亭紺  
石麗靄靄陰霞屯憑高凌梵閣木杪能攀援孤帆落天  
外江勢東南奔江奔崖欲住孤寺疑被吞至今蒼壁上  
尚有魚龍痕扈謙所居宅藥草留祇園攝生究何術衰  
老思討論

元武湖

英雄非漢武池亦號昆明南渡悲銅馬西風泣石鯨荻

百一十房詩集  
卷五  
茅霜後死萍葉雨中生  
六代滄桑夢荒波照冶城

長干曲

妾住長干里  
郎住石頭城  
秦淮通一水  
夜夜有潮生  
不願作鴛鴦  
願作烏衣燕  
江南王謝郎  
歲歲來相見  
郎住秦淮水  
春風欲斷魂  
妾家長千里  
只近聚寶門

雨花臺

花雨彌天此地傳  
雲光講席故依然  
老莊告退方言佛  
詞賦無靈始託禪  
梵閣至今栖怖鴿  
臺城何處覓飛鳶  
英雄末路多如此  
兩字荷荷了百年

大功坊

燕泥綽楔漫荒街異姓侯王邁等儕六代江山開建業  
一家興廢視清淮論婚已擬金張盛好武羞將絳灌偕  
當日胡藍諸詔獄大功坊自掃雲霾

石子岡

謝公祠宇散雞豚石子岡前遺迹存兒輩一時知賭墅  
有人後世尚爭墩清流典午遺風在大道瑯邪故里昏  
我亦中年哀樂甚殘絲零竹忍重論

燕子磯守風

江豚吹浪爭危磯礮車雲起連檣飛秣陵秋色入烟霧  
回頭城郭猶依稀蘄巖頑石截江介羣鱗得勢窺林扉

就中飢蛟食肉相老夫不足供甘肥迴船幸得纜山脊  
半空腥沫猶霏霏梳妝樓空燕子去諾臯遺事焉知非  
荒唐雲雨託夢幻樂府尚賦華山畿須臾風定拋碇去  
多少魚龍下翠微

徐州工次勉諸屬吏

芒碭寒雲捲白波宣防使者夜相過水衡無算謀通漕  
樂府低迴喚渡河竹箭流深知勢漫鯉魚風緊覺沙多  
君看南豫酬功

勅玉牘金繩劔佩訶

乾隆四十五年封總河  
朱之燾爲助順永寧侯

蒙

恩以協辦大學士召恭紀

已慙節鉞駐江干夙夜無由慰素餐自信顏衰求退易  
翻因

恩重乞身難久參樞密寧無忝得領銓衡更未安惟有  
葵心似冀莢紀來

聖壽萬年看

百一山房詩集卷八